



PERMAINAN dan ufar dalam bahasa Inggeris ceruskan suasana ceria.

BAWA 'ENGLAND' KEPADA PELAJAR

Konsep 'Kampung Inggeris' fokus pemahaman budaya, fizikal Inggeris bertujuan bantu rasai suasana sebenar

DARI MUKA 42

Katanya, setiap pelajar mempunyai keunikan tersendiri, oleh itu, pembelajaran bahasa yang berkesan bergantung kepada minat mereka.

"Bagi seseorang mendalami atau menguasai bahasa Inggeris memerlukan tahap keyakinan diri tinggi, bukan sikap rendah diri kerana takut tersasul atau tersalah penggunaan tatabahasa yang menjadi faktor penghalang untuk fasih dalam bahasa antarabangsa itu.

"Di sinilah terletaknya tanggungjawab penganjur untuk meningkatkan keyakinan diri pelajar seterusnya menjadikan bahasa Inggeris sebagai

bahasa yang mudah digunakan walaupun di mana mereka berada," katanya ketika ditemui di sini.

Program BRAVE-HEARTs 2018 menegenahkan konsep 'immersion' seperti 'jika kami (guru) tidak dapat membawa anda ke England, kami akan bawa negara itu untuk anda'.

Antara aktiviti yang dijalankan sepanjang program itu berlangsung termasuk Sing It Right, Pitch It Right, Crossed Line dan Readers' Theater.

Zarina berkata, turut menjadi amalan wajib setiap tahun adalah memperkenalkan konsep 'Kampung Inggeris' dengan memfokuskan pemahaman budaya dan fizikal Inggeris

bertujuan membantu pelajar untuk merasai suasana sebenar berbahasa Inggeris.

"Pendekatan ini diterapkan melalui pelajar yang perlu mewujudkan suasana 'kampung' dengan landskap bahasa Inggeris, rumah Inggeris, kafe, pasar dan pemakaian kostum Inggeris.

"Faktor efektif juga menjadi satu daripada aspek yang perlu dipertingkatkan di luar persekitaran pembelajaran formal sejajar dengan usaha Kementerian Pendidikan (KPM) meningkatkan kemahiran generasi muda dalam berbahasa Inggeris," katanya - **Nas Norziela Nasbah**



SESI perbincangan kes di 'mahkamah' turut mendapat perhatian pelajar untuk meningkatkan keyakinan berbahasa Inggeris.



LATIHAN pertolongan cemas turut disediakan untuk tingkatakan pengetahuan pelajar.



AKTIVITI kreatif turut disediakan pada program BRAVE-HEARTs 2018.